

1178. Եղել է փոքր մատուռի մուտքի ծախակողմում.

Ի թուին ՉՉԱ (1332), ես Ջվանշեր շինեցի գխորանս և կանգնեցի գխաչս բարե..., ով
խափանե իմ մեղացս տեր է և դատի յԱստուղյ:

Չրատ. «Արծազանք», 1886, 12, 162, Ս. Կարապետյան,
Չյուսիսային Արցախ, 442:

1179. Եկեղեցու մուտքի բարավորին, 7 տող, վերջին տողի մի մասը վրացերեն, 1986 թ.
արծանագրությունը տեղում էր, սակայն միտումնավոր քերված.

Կառուցաւ Սուրբ Սարգիս եկեղեցիս ի հիմանէ
աշխատութեամբ եւ արդեամբք Ղազախու
գաւառի Կօթի գիւղացի Արզուման Խա
չատուրեան Տէր Սահակեանցի, ի յիշատա
կի իւր ծնողաց եւ որդւոց իւրոց,
1838 ...

Չրատ. «Արծազանք», 1886, 12, 161, Ս. Կարապետյան,
Չյուսիսային Արցախ, 442:

Ծանոթ. Առաջին հրատարակիչը վերծանել է միայն առաջին 5 տողը (Ս. Կ.):

1180. Գագ լեռան ծերպերի մեջ եղած քարայրներից մեկում կարդացվել է.

... ի թուխս հայոց ՈԾԷ (1208), յիշխանութեան...:

Չրատ. «Արծազանք», 1886, 12, 162, Ս. Կարապետյան,
Չյուսիսային Արցախ, 443:

ԲԵՐՂԱՎԱՆ

Երկար ժամանակ կոչվել է Ղալաչա՝ գյուղից հուսիս-արևելք գտնվող ամրոցի (ղալա)
պատճառով: Կիսաշրջան բազմաթիվ աշտարակներով բերդն էլ կոչվել է Ղանլիչաքար:
Այն եղել է Կյուրիկյանների, և ապա՝ Վահրամյանների պաշտպանական կարևոր կենտ-
րոններից՝ հազար տարի շարունակ:

Ամրոցից հարավ տարածված է ընդարձակ գերեզմանոց՝ չափազանց ինքնատիպ
խաչքարերով: Դրանցից մի քանիսի վրա կան եղծված-հողմահարված, դժվարընթեռնե-
լի հիշատակագրություններ:

1181. ԽԱՉՔԱՐ. հմտամշակ, կանգնած միակտոր պատվանդանի վրա, կոտրտված,
մաշված, հողմահար, քիվին, 3 տող.

ՄԱՉՍԲԱՆԵԽԱ

ԳՐԻՔՈՐԻՆ ԵՒԱՍԱ

ՓԻՆ ԹՎԱԿԻՆ ՈԿԹ

[ՄԲ ԽՂԱՉՍ ԲԱՐԵԽԱ[ԻՍ]...

ԳՐԻՔՈՐԻՆ, ԷԻԱՍԱ

ՓԻՆ: ԹՎԱԿԻՆ ԻՆ ՈԿԹ (1220):

Ծանոթ. Վերծանությունը մնում է երկմտելի:

1182. **ԽԱՉՔԱՐ.** գեղարունդակ, քիվի տակ երկու կլոր և մեկ սրանկյուն զարդեր, քիվին 2 տող մաշված ու ոչնչացած.

ՄԱՐԳՍԻ ՌԻԵՐԿԻՐՊԱԳԱՆԵՔ

[ԿԱՆԳՆԵՑԱԲ ՍԲ ԽԱՉՔԱՐ|ԵՆԱԲՍՈՒԹԻԲՆ]
...ՍԱՐԳՍԻ: ՈՐՔ ԵՐԿԻՐՊԱԳԱՆԵՔ ԱՂԱԲ[ԹՍ ՅԻՇԵՑԵՔ]:

Ծանոթ. Գերեզմանոցի առավել հմտամշակ բուսական ու երկրաչափական զարդերով, հորինվածքի անսովորությունը խաչքար է, ԺԳ դար:

1183. **ԽԱՉՔԱՐ.** ընկած գերեզմանոցի հյուսիսային եզրի կիսավեր միանավ եկեղեցու հյուսիսարևելյան խորանում, քիվին կիսաեղծ, 2 տող.

ԵՆԱԲՍՈՒԹԻԲՆ
ԹՎԻ ՌԻԵՐԿԻՐՊԱԳԱՆԵՔ

[ՍԲ ԽԱՉՔԱՐ|ԵՆՕՍ Է ԱՐ...
...ԹՎԻ[Ն] ՈՃԽ (1691):

Ծանոթ. Խաչքարի (1,12x0,13x0,13) քիվի տակ, եզրերում, մարդկանց հարթաքանդակներ են, կողերին՝ երկրաչափական հյուսքազարդեր:

ԱՇՈՑՔԻ ԵՆԹԱՇՐՁԱՆ

Ձբաղեցնում է Լոռվա սարահարթի հյուսիսարևմտյան հատվածը՝ Թուրքիայի և Վրաստանի սահմանակցությամբ: Եղել է Մեծ Հայքի Գուգարաց աշխարհի Տաշիր-Աշոցք գավառների կազմում: 1937 թ. մինչև վերջերս կոչվում էր Կալինինոյի շրջան:

Հարուստ է վաղ բրոնզի և երկաթի դարաշրջանների բնակատեղիներով, ամրոցներով, դամբարանադաշտերով: Պահպանվում են նաև վաղ միջնադարյան քրիստոնեական ճարտարապետության կիսավեր ու կանգուն հուշարձաններ (Մեծավանք, Խրբեքի վանք, Չախմախի միանավ սրահ, Ղարբանդավանք), որոնց վրա, ցավոք, արձանագրություններ չկան:

Շրջանում հոգևոր կրթամշակութային կենտրոններ չեն ստեղծվել ոչ միայն ամառանոցային-արոտավայրային տարածք լինելու, այլ նաև թուրքական, պարսկական ներխուժումներով, բնակչության տեղահանություններով պարտադրվող անբարենպաստ պայմանների պատճառով: Իսկ նոր եկողները զորու չէին լուրջ ձեռնարկումների և ԺԹ դ. սկզբներին Ալաշկերտից գաղթածները մի կերպ ցածրարվեստ ծխական եկեղեցիներ էին կառուցում: Մի շարք լքված գյուղերում էլ վերաբնակվում էին թուրքեր, քրդեր, հույներ, մալականներ, որոնք ոչ միայն հոգևոր շենքերի կարիք չունեին, այլ նաև ջանադրաբար ոչնչացնում էին հնից մնացածները:

XIX դ. եկեղեցիների շինարարական բնույթի վկայագրերը չեն մտել պրակի մեջ: